



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-397-4/21**
Datum: **21.10.2021. godine**

„Agencija za vodno područje rijeke Save“ Sarajevo rješavajući po zahtjevu „KOV-GRAD“ d.o.o. Bužim, za izdavanje vodne dozvole za aktivnosti koje mogu imati specifične uticaje na vode prilikom izvođenja aktivnosti na lokaciji postrojenja za proizvodnju asfalta sa pratećim sadržajima, izgrađenog u naselju Jezerski, općina Bosanska Krupa na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98 i 48/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „KOV-GRAD“ d.o.o. Bužim, za aktivnosti koje mogu imati specifične uticaje na vode prilikom izvođenja aktivnosti na lokaciji postrojenja za proizvodnju asfalta sa pratećim sadržajima, izgrađenog na zemljištu označenom kao k.č. broj 1708, 1707/4 i 757/2, K.O. Ljusina, općina Bosanska Krupa.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli se donosi na osnovu činjeničnog stanja utvrđenog pregledom dostavljenje dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnih objekata, postrojenja za proizvodnju asfalta, isti održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole, okolinskom dozvolom, investiciono-tehničkom dokumentacijom te saglasnostima i dozvolama dobivenim od strane drugih nadležnih organa.
 - 3.2. Da se skladištenje loživa ulja, koje se koristi kao gorivo u peći toplotne stanice za zagrijavanje bitumena, vrši u nadzemnom dvoplašnom čeličnom spremniku, kapaciteta 50 m³, koji je smješten u natkrivenom prostoru i u AB tankvani.
 - 3.3. Da se skladištenje bitumena, koje se koristi kao vezivno sredstvo u proizvodnji asfalta, vrši u nadzemnim čeličnim spremnicima, kapaciteta 180 m³ (3x40 i 2x30), koji su smješteni u natkrivenom prostoru i u AB tankvanama.
 - 3.4. Skladištenje ulja i maziva vršiti u natkrivenom namjenskom objektu za skladištenje i pretakanje ulja i maziva na podnoj ploči od vodonepropusnog betona otpornog na dejstva hemikalija.
 - 3.5. Obezbjediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije iz tabele 1.1. kolona (3) Priloga 1 Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.6. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora, te talog iz taložnika potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje tehnološkog otpada.

- 3.7. Da se sa opasnim i štetnim materijama (punila, aditivi, i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.8. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
- 3.9. Primjenjivati mjere zaštite okolnog terena od čestica prašine i oborinskih voda sa lokacije radnog prostora postrojenja.
- 3.10. Opasni materijal i otpad ne smije se ni privremeno odlagati na česticu «vodno dobro», odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik postrojenja za proizvodnju asfalta je dužan ispoštovati sve mjere i aktivnosti propisane istom.
6. Ukoliko radom predmetnog pogona dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana pravosnažnosti ovog rješenja.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
10. Uslov za izdavanje nove vodne dozvole je ispunjenje uslova iz dispozitiva ovog Rješenja.

O b r a z l o ž e n j e

Pravno lice „KOV-GRAD“ d.o.o. Bužim, obratilo se ovoj Agenciji dana 02.09.2021. godine sa zahtjevom za izdavanje vodne dozvole za aktivnosti koje mogu imati specifične uticaje na vode prilikom izvođenja aktivnosti na lokaciji postrojenja za proizvodnju asfalta sa pratećim sadržajima, izgrađenog na zemljištu označenom kao k.č. broj 1708, 1707/4 i 757/2, K.O. Ljusina, općina Bosanska Krupa.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, Matični broj subjekta upisa: 1-1564-00 izdanog dana 15.06.2021. godine, od strane Općinskog suda u Bihaću,
- Ovjerena kopija Uvjerenja o poreznoj registraciji, izdanog dana 06.12.2002. godine, od strane Federalnog ministarstva finansija, Porezne uprave – Kantonalni ured BIHAĆ,
- Ovjerena kopija Uvjerenja o poreznoj registraciji - PJ Podružnica Bosanska Krupa, izdanog dana 29.06.2011. godine, od strane Federalnog ministarstva finansija, Porezne uprave – Kantonalni ured BIHAĆ,
- Ovjerena kopija Uvjerenja o registraciji obveznika poreza na dodanu vrijednost, izdanog od strane Uprave za indirektno-neizravno oporezivanje Banjaluka, broj 04/5-1/I-17-1035-5317/05, dana 17.11.2005. godine, u Banjaluci,
- Kopija Rješenja, kojim se daje vodna dozvola investitoru „KOV-GRAD“ d.o.o. Bužim, za aktivnosti koje mogu imati specifične utjecaje na vode prilikom izvođenja aktivnosti u poslovno-proizvodnom objektu – postrojenja za proizvodnju asfalta sa pratećim sadržajima u

naselju Ljusina-Jezerski grad, općina Bosanska Krupa, izgrađene na zemljištu označenom kao k.č. broj: 1708, 1707/4 i 757/2 K.O. Ljusina, općina Bosanska Krupa; izdano od strane Agencije za vodno područje rijeke Save pod brojem UP-I/25-3-40-478-6/16, dana 07.10.2016. godine,

- Kopija Rješenja, kojim se investitoru „KOV-GRAD“ d.o.o. Bužim iz Bužima, Mrazovac 326, daje odobrenje za građenje postrojenja asfaltne baze AMMAN MEA 120-5/7, kapaciteta 120-160 t/h, na lokalitetu Ljusina-Jezerski, na zemljištu označenom kao k.č. 1708, 1707/4 i 757/2 k.o. Ljusina, područje općine Bosanska Krupa; izdano od strane Federalnog ministarstva prostornog uređenja pod brojem UPI/03-23-2-220/10, dana 30.08.2010. godine, u Sarajevu,
- Kopija uplatnice upravne pristojbe,
- Kopija Izvještaja o monitoringu kvaliteta i kvantiteta otpadnih voda asfaltne baze „KOV-GRAD“ Bosanska Krupa; urađen od strane „Inspekt – RGH“ d.o.o. Sarajevo pod brojem 657/21, dana 14.04.2021. godine,
- Glavni projekt asfaltne baze MEA 120-5/7, KNJIGA I – POSTROJENJE ASFALTNE BAZE; urađen od strane DIVEL d.o.o. Sarajevo pod šifrom: DV-OD/2320-12/09, februara 2010. godine, u Sarajevu, dostavljen uz popratni akt broj 712-08/16, dana 16.08.2016. godine, na uvid,
- Zaključak o visini i roku za plaćanje posebnih troškova, izdan od strane Agencije za vodno područje rijeke Save Sarajevo pod brojem UP-I/25-3-40-397-2/21 od dana 14.09.2021. godine te kopija uplatnice za iste, dostavljena uz popratni akt broj IP-467-09/21 od dana 23.09.2021. godine,

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), izvršen je pregled izgrađenog postrojenja asfaltne baze sa pratećim sadržajima na lokaciji Jezerski, investitora „KOV-GRAD“ d.o.o. Bužim, i tom prilikom sačinjen zapisnik o uviđaju broj: UP-I/25-3-40-397-3/21 od 11.10.2021. godine pri čemu je utvrđeno:

Poslovni kompleks postrojenja za proizvodnju asfalta je izgrađen u naselju Jezerski, općina Bosanska Krupa. Pogon se sastoji od: - postrojenje asfaltne baze AMMAN MEA 120-5/7 kapaciteta 120-160 t/h, - postrojenja za predoziranje sa transportnom trakom do sušare, - postrojenja za sušenje i zagrijavanje, - otprašivač adimnih gasova, - sistema prosijavanja, vaganja i miješanja, - sistema doziranja punila i drugih dodataka, - sistema za skladištenje gotove asfaltne mase, - sistema za skladištenje bitumenskih masa, - komandne kabine sa pratećim sadržajima, - upravnih i sanitarnih prostorija sa laboratorijom, nadstrešnice kamenog materijala sa frakcijama agregata, - interne benzinske pumpne stanice sa podzemnim rezervoarom (koja nije u upotrebi), -sistema za tretman otpadnih i oborinskih voda, - internih saobraćajnih i manipulativnih površina, - ograde oko kompleksa postrojenja sa dvije ulazno-izlazne kapije, rezervoara za vodu te trafostanice.

Objekt je priključen na javni gradski vodovodni sistem za potrebe sanitarne vode i vode za protivpožarnu zaštitu. Manipulativne površine za rad oko postrojenja asfaltne baze i pratećih sadržaja su asfaltirane, oivičene te nivelisane ka uličnim slivnicima i linijskim slivnim rešetkama, iz kojih se cijevnim sistemom odvođe na separator ulja i masti na potreban tretman.

Oborinske vode sa internih saobraćajnih i parkirnih površina (manipulativne površine za rad oko postrojenja asfaltne baze i pratećih sadržaja su asfaltirane, oivičene te nivelisane ka uličnim slivnicima i linijskim slivnim rešetkama) koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa isith te prašine sa kamenog agregata i gotovih proizvoda se odvođe na potreban tretman na separator ulja i masti. Prliv iz separatora se odvodi ka cestovnom propustu i obližnjem potoku.

Spremnici za bitumen, spremnik za vrelo ulje, spremnik za loživo ulje i cijelo postrojenje, izuzev vertikalnih spremnika za gotovi asfalt, su smješteni u jednom natkrivenom prostoru. Boksovi za smještaj agregata po frakcijama su natkriveni. Princip saobraćaja je rješen kružnim tokom oko objekta postrojenja, a sve interne asobraćajnice su oivičene, asfaltirane i nivelisane ka uličnim slivnicima i linijskim slivnim rešetkama. Plato za pretovar gotove asfaltne mase iz vertikalnih silosa u kamione za transport je betoniran i oivičen sa AB zidom visine cca 60 cm, a na ulazu i izlazu su ugrađene linijske slivne rešetke.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim i prava na vode dodijeljena drugim korisnicima podnosiocu zahtjeva su ovom vodnom dozvolom u tački 3. propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „KOV-GRAD“ d.o.o. Bužim, Mrazovac 326, 77 245 Bužim,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava